



Remaja maut dihempap struktur bola keranjang
- Muka 2

Google akan luaskan program latihan Skills Ignition SG
- Muka 16

Schooling gagal ke separuh akhir 100m gaya bebas
- Muka 15

Perkukuh sokongan kesihatan mental pelajar: Chun Sing

Antara inisiatif termasuk mengurangkan skop peperiksaan akhir tahun, latihan berkaitan kesihatan mental bagi guru-guru

► IRMA KAMARUDIN
irmak@sph.com.sg

SEKOLAH-SEKOLAH di sini akan mengurangkan topik bagi peperiksaan, selain menambah masa dan usaha yang diperuntukkan bagi menjaga kesihatan mental pelajar, kata Menteri Pendidikan Chan Chun Sing.

Dalam Kenyataan Menteri yang disampaikan di Parlimen semalam berhubung insiden maut di Sekolah Tinggi River Valley (RVHS) baru-baru ini, Encik Chan turut mengumumkan latihan berkaitan kesihatan mental bagi guru, dan rancangan MOE mengerahkan lebih 1,000 guru-kaunselor dalam beberapa tahun mendatang.

Beliau berkata sekitar 540 pelajar dan staf RVHS telah memohon sokongan psikologi selepas insiden pada 19 Julai itu, apabila seorang pelajar 16 tahun didakwa membunuh rakan sekolah berusia 13 tahun di sekolah itu. Hampir 100 pakar dan kaunselor MOE yang dilatih dalam bantuan kecemasan psikologi dan trauma telah dikerah untuk memberikan sokongan kepada sekolah itu.

Menyusuli kejadian itu, ramai warga termasuk Presiden Halimah Yacob, telah menggesa agar lebih banyak sokongan disediakan untuk membantu pelajar yang mengalami masalah kesihatan mental.

Membentangkan langkah-langkah baru yang akan disediakan, Encik Chan berkata golongan anak muda mengalami pelbagai tekanan, termasuk menangani masalah remaja dan tekanan daripada persekitaran yang berdaya saing dan berprestasi tinggi.

Cabaran mereka itu ditambahkan lagi dengan apa yang berlaku di dalam talian di mana perbandingan tidak henti-henti berlaku dan sekali gus menambahkan satu lagi lapisan tekanan sosial.

"Itu sebabnya mengapa sebagai sebuah masyarakat, kita mesti terus mempertingkatkan dan memperkukuh sistem sokongan kita untuk lebih mempersiapkan anak-anak kita bukan hanya untuk menangani tekanan yang mereka hadapi, malah juga berkembang maju walaupun terdapat tekanan," kata Encik Chan.

"Pendekatan kita tidak harus hanya untuk memperkukuh ekosistem sokongan keseluruhan, namun untuk mewujudkan persekitaran yang lebih prihatin dan membela dalam masyarakat kita," tambah beliau.

Encik Chan berkata Covid-19 juga telah memburukkan lagi cabaran yang dihadapi anak-anak muda, dengan kebanyakan rutin dan rangkaian sosial serta sokongan biasa mereka terganggu - membawa kepada tempoh ketidakpastian, kegelisahan dan kesunyian berpanjangan.

Meskipun banyak usaha telah dilakukan untuk menangani isu kesihatan mental dalam kalangan pelajar, Encik Chan menekankan bahawa lebih banyak lagi boleh dan mesti dilakukan.

Antaranya, semua guru akan menerima pambangunan profesional dipertingkatkan mengenai kecemasan kesihatan mental sebagai garis dasar. Ini akan memperkukuhkan lagi keupayaan mengenal pasti dan menyokong pelajar yang memerlukan bantuan, kata Encik Chan.

Selain mengerahkan lebih 1,000 guru-kaunselor dalam beberapa tahun mendatang, lebih ramai kaunselor sekolah akan direkrut atau pendidik yang sesuai diberi peranan baru sebagai kaunselor demi menyokong rangkaian sokongan kaunseling.

Sekolah menengah dan prauniversiti juga akan mengembalikan kegiatan kokurikulum (CCA) dalam beberapa minggu mendatang sedang lebih ramai pelajar selesai vaksinasi mereka.

Encik Chan berkata rancangan ini sedang dibangunkan untuk memastikan CCA dapat diadakan dalam cara yang selamat dalam langkah-langkah pengurusan semalam nasional.

Guru sekolah juga akan memberikan lebih banyak masa dan tumpuan pada permulaan setiap penggal sekolah untuk memeriksa kesejahteraan pelajar, dan membimbing mereka tentang cara, di mana dan bila untuk mendapatkan bantuan.

Demi mengurangkan tekanan pelajar, Encik Chan berkata Topik Terakhir Biasa (CLT) akan dikeluarkan daripada peperiksaan Sijil Am Pelajaran (CGE) tahun ini disebabkan gangguan terhadap pembelajaran akibat Covid-19.

Semua sekolah juga akan mengurangkan skop bagi peperiksaan akhir tahun untuk pelajar yang bukan berada pada tahun akhir demi mengurangkan beban ulang

DARI PARLIMEN

■ Chun Sing bentang urutan insiden kematian di River Valley High - Muka 4

■ Bidang pertumbuhan baru industri penerbangan dikenali pasti - Muka 6

■ Program persiapan asatizah muda dipertingkat - Muka 7

kaji mereka.

"Varian Delta virus Covid-19 telah mewujudkan gangguan lebih besar daripada yang dijangkakan dan telah menjejaskan kesejahteraan sosial dan emosi pelajar kita. Kami amat prihatin tentang kohort yang bakal tamat pengajian, dan oleh itu, kami juga akan mengeluarkan CLT daripada peperiksaan GCE peringkat 'O', 'N', dan 'A' 2021.

"Meskipun topik ini telah pun diajar di sekolah, mengeluarkan daripada peperiksaan nasional akan membantu meringankan beban ulang kaji dan tekanan peperiksaan bagi pelajar kita," kata Encik Chan.

AP lahir keprihatinan kesan pandemik ke atas pekerja, perniagaan

► ATIYYAH MOHD SAID
atiyyahm@sph.com.sg

PARLIMEN telah meluluskan rang undang-undang untuk memperuntukkan \$2 bilion bagi langkah terbaru membantu pekerja dan perniagaan mengharungi tempoh sekatan Covid-19 dari Mei hingga Ogos ini.

Namun para anggota parlimen telah menyuarakan beberapa keprihatinan mengenai kesan lanjut pandemik terhadap golongan pekerja dan perniagaan.

Dalam kenyataan bagi merumuskan perbahasan itu, Menteri Kewangan Lawrence Wong berkata sepanjang tempoh kewaspadaan dipertingkat ini, pemerintah telah berusaha untuk memperuntuk semula seberapa banyak dana daripada belanjawan yang ada bagi menyediakan sokongan ini.

Namun Encik Wong tidak menolak kemungkinan perlunya menghulurkan lebih bantuan sekiranya berlaku hambatan lagi pada masa depan.

Sokongan bernilai lebih \$2 bilion adalah bagi membantu pekerja dan perniagaan mengharungi tempoh sekatan Covid-19 dari Mei hingga Ogos ini.

Ini termasuk langkah tambahan dilanjutkan bernilai \$1.1 bilion yang diumumkan minggu lalu bagi Fasa Dua (Kewaspadaan Dipertingkat) atau Fasa Dua (HA) dari 22 Julai hingga 18 Ogos ini, serta bagi tempoh Fasa Dua dan Tiga (HA) dari Mei sebelum ini.

■ Bersambung di Muka 5



- Foto NCID

Peranan penting ahli teknologi perubatan kanan di NCID

BEKERJA tanpa mengenal erti penat, ahli teknologi perubatan kanan, Cik Siti Zulaina Md Said (*gambar*), merupakan antara pekerja barisan hadapan yang telah banyak menyumbang kepada usaha Singapura menentang pandemik Covid-19.

Beliau mengetuai pasukan di Makmal Kesihatan Awam Nasional, Pusat Nasional Penyakit Berjangkit (NCID) yang meniasat wabak untuk membolehkan pengawalan awal kelompok yang timbul.

Usaha Cik Zulaina itu diiktiraf Menteri Kewangan, Encik Lawrence Wong, yang juga pengerusi bersama pasukan bertindak berbilang kementerian (MTF) bagi Covid-19 baru-baru ini.

■ Laporan lanjut - Muka 5

SOLAT

Subuh 5.45

Syuruk 7.06

Zuhur 1.13

Asar 4.35

Maghrib 7.17

Isyak 8.30

VACCINATION^{SG}

Vaksinasi melindungi anda daripada COVID-19.



Vaksin-vaksin COVID-19 adalah selamat dan berkesan.



Ia mengurangkan risiko jangkitan dengan ketara.



Ia membantu mencegah penyakit yang teruk jika anda dijangkiti.

Dapatkan suntikan vaksin



Buat janji temu anda di pusat-pusat vaksinasi yang menawarkan slot-slot pada tarikh lebih awal.



Dapatkan nasihat doktor jika anda kurang pasti.



Untuk maklumat lanjut: Lungsuri vaccine.gov.sg atau hubungi talian 1800-333-9999

